

ՅԱԿՈՒԲ ԶՈՒՂԱՅԵՑԻ ԵՒ ԼԵՀԱՀԱՅԵՐԸ

Յակոբ Կաթողիկոսին Կաթողիկէ դա-
ւանանքն արդեւք չ'ըլլար իրաւացիօրէն նա-
խանձարնդիր մնալու հայ ծէսին եւ օրինա-
ւոր սովորութեանց պահպանումին :

Այս պատճառաւ ան շուտով կը միջա-
մրտէ Լեհաստանի զործերուն, երբ կ'իմա-
նայ՝ թէ ծիսական փոփոխութիւններ ներ-
մուծուած են Լեհահայ Եկեղեցւոյ մէջ :

1664ին էջմիածնէն Լէոպոլիս կ'ուղար-
կէ Լեհահայ Յովհաննէս Վրդ . Պեռնարտովի-
չը, որ Հայաստան զացած էր սորվելու հա-
մար հայ լեզուն եւ հայ ծէսը : Երիտասարդ
Վարդապետը Լէոպոլիս կը հասնի Օգոստո-
սի վերջերը, նամակներ բերելով Կաթողի-
կոսէն, որ ծրագրած էր Լեհաստանի հայերն
այցելել, սակայն խափանուած էր (1) :

Կղեմէս Կալանոս վարնալով որ Յակոբ
Զուղայեցին արդեւք հանդիսանայ իր ներ-
մուծած կարգ մը ծիսական ու բարեկարգա-
կան փոփոխութիւններուն, կը համոզէ Լե-
հահայոց Առաջնորդ Թորոսովիչ Արքեպիս-
կոպոսը, որ խուսափողական պատասխան

(1) Sac. Gregorio Petrowicz, Ibilem 199-
200.